

DATE	27/09/2012	SECTION	National
PAGE	3	COLUMN	Tempatan

## 356 jemaah haji Sabah bertolak ke Madinah

KOTA KINABALU: Yang Di-pertua Negeri Sabah Tun Datuk Seri Juhar Mahiruddin dan isteri Datin Seri Toh Puan Norlidah Datuk R.M. Jasni berkenan menghadiri Majlis Meraikan Keberangkatan Bakal Jemaah Haji di Terminal 1 Lapangan Terbang Antarabangsa Kota Kinabalu (LTAKK), petang Rabu.

Pada majlis itu, rombongan haji pertama dari negeri ini seramai 356 orang berlepas pada jam 4.30 petang dengan menaiki Pesawat MH 8024 Sistem Penerbangan Malaysia (MAS) dari LTAKK ke Madinah.

Seramai 803 jemaah haji Sabah akan menunaikan rukun Islam kelima tersebut pada tahun ini yang mana melibatkan dua penerbangan pesawat MAS dari LTAKK ke Arab Saudi.

Penerbangan rombongan haji kedua dijadualkan akan berlepas pada 8 Oktober ini ke Jeddah, Arab Saudi yang melibatkan seramai 447 jemaah haji dari negeri ini.

Turut hadir, Ketua Menteri Sabah, Datuk Seri Musa Aman; Timbalan Ketua Menteri Sabah, Datuk Seri Yahya Hussin; Pengarah Jabatan Hal Ehwal Agama Islam Negeri (JHEAINS) Datuk Amri A Suratman serta jemaah kabinet menteri dan pegawai kanan Lembaga Tabung Haji Malaysia.



Tun Juhar, Toh Puan Dayang Norlidah bersama tetamu lain dan bakal jemaah haji ketika berada di TTAKK.